

Henny Eman: Un voz a resona pa separacion

E no tabata un homber pa midi su palabranan. Na forma cu no tabata laga duda e tabata expresa su pensamentonan cu tabata cuadra cu e sentimento di un Pueblo. Henny Eman, e voz cu a laga e grito di Separacion resona. E homber cu cuminsa lucha contra un sistema colonial cu a haci Aruba mudo. Su ideanan a forma base pa e lucha pa saca Aruba for di constelacion di Antillas y su forma di presenta e deseo di Aruba a marca un epoca nobo den historia di e pais.

Na momento cu el a drenta colegio di loke lo a bira Antillas, ya por a nota cambio. E no tabata interesa di papia di Antillas, pero di Aruba. Cu voz fuerte e tabata porta su mensahe y atravez di su voz e grito di Pueblo a resona: Separacion pa Aruba.

Henny Eman a nace na Aruba dia 7 di Augustus 1887. Pa por a sigui siña despues di school basico, e mester a bay Hendrik-school na Curacao.

Ya for di edad hoben el a demostra cu su interes tabata pa politica, cu a bira su bida.

Na aña 1921 pa promer bez el a keda eligi como miembro di Politieraad y 20 aña despues el a drenta Staten, funcion cu el a ocupa te na su morto.

Politica pa Henny Eman tabata directamente relaciona cu su afan pa mira Aruba como un pais,

cu relacion estatal nobo cu Hulanda.

Ya for di tempo cu e tabata den Politieraad el a cuminsa vocifera e anhelo pa Separacion y a cuminsa fomenta den Pueblo e necesidad pa Aruba tuma rienda di su destino den su man.

Cu Henny Eman un ola nobo a drenta Staten. E number di Aruba a cuminsa resona, mescos cu exigencianan pa mas autonomia na e pais.

Henny Eman tabata un homber di Pueblo. Tur caminda e tabata conoci y den su tempo el a bira tambe un di e politiconan mas controversial di Reino, cu a haya su mes confronta definitivamente cu reclamo di Aruba pa autonomia.

Henny Eman tabata e mentor di esnan cu a sigui cu su lucha. E homber cu a muestra corahe pa papia di libertad, den un tempo

cu opresion tabata domina Aruba. E no tabata un homber pa papia cu terminologia alto ni escogi, pero directamente tabata expone loke e kier a bisa.

Semper e tabata dispuesto pa coopera, pero semper e tabata tin mes condicion: no mishi cu Aruba ni interes di su isla.

No solamente ariba tereno estatal e tabata move pa lanta Aruba. Na 1924 ora Captain Rodgers a bishita Antillas pa busca un lugar pa establece un refineria, el a muestra ariba e facilidadnan cu San Nicolas por a ofrece. El a yuda pa Lago a establece su mes na Aruba, pero despues a sa di mara Lago tambe na un condicion: trahadornan di e compania na promer instancia mester tabata Arubiano. Si no tabata tin Arubiano disponible pa haci e trabao, por a busca extranhero.

Tambe pa haf di Aruba, Henny Eman a traha duro pa asina introduci e facilidadnan cu e

Henny Eman tabata e homber cu a introduci e cambio radical den historia politico di Aruba.

Dia 17 di October 1957 morto a bishite, cuatro dia despues cu el a sufrir un derame cerebral. Henter Aruba tabata ariba pia pa despedi di Henny Eman, e homber cu a bira e voz cu e grita Separacion!



Henny Eman den compania di su yiu, Shon A, ta conversa cu La Reina.

arugas

TA DESEA E PUEBLO DI ARUBA

UN DIA PLACENTERO



Reunion di Comision van Poelje.....

Pabien

Pueblo

Ariba nos Dia

Di

HIMNO

y

BANDERA

Coca-Cola

Coke